

簿

簿

350
841
部

澳

繹

序

今天下競言愛國矣而國仍不治何也本先撥也孟子謂國之本在家家之本在身身者親之枝也故禮經曰立愛自親始孝經亦云不愛其親而愛他人者謂之悖德人必能親愛其父母兄弟然後能推其所愛次及於宗族鄉黨則愛鄉之義起焉顧鄉之爲義狹則萬二千五百家廣則自一鄉一邑一郡以至一省而鄉之界域益寬而愛鄉之願力亦益宏第此所謂愛僅就旁推言若由鄉而上推之則每鄉之鄉土地理鄉土歷史凡伊古以來鄉先生鄉大夫之事識大識小皆散載於郡縣志及一省之通志此文獻所留貽鄉之人皆當愛護之以資考證即孟子由鄉而國而天下猶以爲未足又尙論古之人誦其詩讀其書欲知其入論其世之意也今

樹五袁公既終養而施政于家爲善於鄉有年矣又本尙友之義推廣其愛鄉之心凡演事之未經鄉先達纂輯者胥愛之重之編爲演繹四卷付諸剞劂以盡保存之力而寓深愛之意此非好古傳述可竊比於老彭者耶非於靡瞻靡依之餘發抒其敬恭桑

演繹序

演繹序

梓之明驗耶按前明謝氏肇淵撰演略十卷大都本圖經舊文引據而敘述之至清初馮氏甦仿紀事本末體著演考二卷雖撮舉治亂大端足資考核而於山川古蹟人物土產藝文之類悉削不載至鄂爾泰等所監修之雲南通志固勝於舊通志而漏略亦所不免今

公拾遺補闕既究心於慎事則演於今日近接緬甸安南關繫外交綦重尤爲西南要區凡地方之利害政治之得失民生之休戚必更有綢繆未雨者保衛鄉里卽所以干城國家愛國之心不基於是歟禮年雖垂耄或猶得覘公竟信其志扶杖以觀德化之成也

癸亥秋七月朔七十八老人孫樹禮踴庵序於京師



滇繹序

是書爲石屏袁樹五先生所撰先生精攷據擅詩古文辭生滇長滇而尤戀愛於滇僑居昆明專事著述暇輒看書凡關於滇事者隨見隨採隨編正其譌誤補其闕略讀萬卷書窮數年力旁搜博拾成茲鉅製都爲四卷名曰滇繹夫滇位國之西南隅自中原視之若無與於重輕之數然從有史以來已歷二千餘年之久其故實之散見於載籍者所在皆是前之紀滇掌故者有阮芸臺雲南通志王樂山備徵志師荔屏滇繫等書先生斯作徵舊聞引近事自開滇以迄于今凡爲通志備徵志滇繫所載者多不入是真可補諸書之不及而資後人以攷証也書成命燦校訂雜誦再四莫贊一詞燦鄉人也讀先生是書亦與先生同茲戀愛之情雖然豈獨燦哉吾知滇人讀之必起愛鄉之觀念國人讀之或爲修史所取材乎時民國十二年癸亥夏昆明王燦謹序

滇繹序

滇繹序



題辭

慎事數經亂其文或簡脫士生古人後心為古人奪罔敢有異同譌舛轉相屬君獨析其疑不隨衆唯諾緹幽挈長繩發鍵探秘鑰李肇國史補鑿齒耆舊略茲編實兼之俗儒得無作作者日以多空文無所託毋甯網放失亦復寓筆削君以三長筆承明當著作却歛江海量酌此一杯勺終焉具史裁致博不如約

劍川趙式銘跋甫

題辭

題辭



滇釋序

滇吾鄉也吾遊數萬里覺可戀可譽之地莫滇若焉讀滇志滇繫諸書猶有管窺之助
因隨筆之名曰滇釋願以告同心之戀鄉譽鄉者移山移主人識



滇釋序

滇釋序



滇

滇顛也言最高之頂也說文天顛也人之高頂爲顛頂之最高爲天諺曰一日上一丈雲南在天上莊躡由楚沅水泝流而南及最高境因號曰滇池滇池國滇國王滇王皆含自大之意史記漢使者至滇滇王問漢孰與我大及夜郎侯亦然蓋自戰國迄西漢又數百年而滇王自大之意且露於言辭間矣然今人之譏自大者輒言夜郎而不言滇可知滇有自大之資格故史記云使者還因盛言滇大國足事親附山川疆土西南一奧區也

文選上林賦文成顛歌注引文穎曰文成遼西縣名顛益州顛縣其人能作西南夷歌顛與滇同也漢書相如傳注作顛即滇也

雲南

東陸大學叢書 滇釋

東陸大學叢書 滇釋

雲南之稱在漢僅永昌郡之一縣蜀漢名郡亦在迤西隋書梁睿傳請置雲南西爨等總管皆非全省之名也唐乃有以南詔爲雲南者新舊唐書南詔傳開元二十六年册歸義爲雲南王五詔寢弱是時未全據迤西地天寶七年歸義卒詔立子閣羅鳳襲雲南王是時亦只據迤西地香山新樂府從茲始免征雲南即指閣羅鳳時之雲南貞元十年册異牟尋爲南詔蓋南詔不願名雲南王也元世祖中統十三年設雲南行中書省以賽典赤瞻思丁爲之乃沿至今阮氏野史漢有仁果都激江號雲南王不知所據

雲南以天文爲名

中華各行省以地理名者曰山陝川湖河粵蘇浙閩甘貴新疆龍江吉林而直隸取于改制奉天本府名與順天府同非省名也省名本爲盛京仍屬地理直奉省名今宜改惟雲南取

天文

以雲爲地文乃近日新發明

抑一奇也

雲南二字古小而今大寧州晉寧大理姚州古大而今小

漢劉熙釋名釋天雲猶云云衆盛意也又言運也若運行也

滇

濮見周書百濮見左傳蓋湘桂滇黔間最大之國特不一種故曰百濮滇志僅以順甯當之非也順甯之蒲人蓋亦濮類而春秋與楚戰之濮當在今武陵辰州間大抵戰國之後盡入于楚周書王會篇伊尹定四方獻令正南甌鄒桂國損子產里百濮九菑請令以珠璣瑋珉象齒文犀翠羽菌鶴短狗爲獻呂氏春秋略同可爲古時地兼滇桂交趾之證

開滇

開越南者孝文開甌越者孝武大抵說客武將之功而開西南夷者則張騫爲首兩司馬次之長卿以蜀人而言西南事雅瞻可知子長略叩筴昆明又負絕代史才宜乎作西南夷傳其雅瞻更勝于南越諸篇

滇池

滇池之大各書不一史記言三百里太平寰宇記同後漢書滇王傳作周回二百餘里南中志以爲二百里後漢志注引爲二百五十里異物志二百餘里元史張立道傳以

東陸大學叢書 滇釋

三

東陸大學叢書 滇釋

四

池在金馬碧雞之間環五百餘里地理志以爲五百餘里明史地理志以爲五百里寰宇記引郡國志亦五百里

金馬碧雞

金馬碧雞漢地理志及水經皆以爲在禺同山光景儻忽民多見之司馬彪郡國志青蛉有禺同山俗謂有金馬碧雞其源始于宣帝時方士言益州有金馬碧雞之神王褒傳則曰金馬碧雞之寶褒祭以文則曰金精神馬縹碧之鷄酈道元水經注與李賢注後漢書引之名碧雞頌如淳漢書注金形似馬碧形似鷄左思賦金馬聘光而絕影碧鷄倏忽而曜儀思別傳云先爲金馬電發于高岡碧鷄振翼而雲披昭明集云旣無白馬之文且乏碧鷄之辨梁簡文帝神山寺銘云碧鷄金馬越瀆梁池南詔碑山對碧鷄波環碣石魏書常景傳空柱碧鷄命徒獻金馬文藝文類聚四十五引北齊邢邵廣平王碑文碧鷄自口文苑英華八百五十六引北周庾信謝趙王示新詩啟碧雞主簿無由遂心駱賓王破蒙臉露布地接祠鷄竟無心于改旦今則昆明之山以金馬碧鷄爲

名矣

樊鍾燾書楊升庵雲南山川考金馬山雲南府城東二十五里碧鷄山西南三十里

山下有金馬關鷄碧關城南有金馬坊碧鷄坊又有

金馬寺碧鷄寺舊督署有金馬臺碧鷄臺建水有金馬市碧鷄市京有金碧園近有謂

金馬碧鷄當在蜀者不知宣帝時方士所言益州即武帝改置之益州郡非蜀益州晉

書地理志漢武帝置犍爲牂柯越嶲益州四郡置益州統焉益州蓋始此

兼統漢中巴蜀廣漢

蓋者

疑詞也考此志上文云平帝元始二年改梁曰益文義甚明蜀益州之置實在宣帝以後

漢地理志注

漢書地理志益州郡戶八萬一千九百四十六口五十八萬四百六十三縣二十四滇池注大澤在西滇池澤在西北有黑水祠案漢之滇池縣當在今晉寧等地所謂大澤即指今之滇池注不當言有二澤疑注之滇池澤在西五字爲衍文滇池二字涉正文而衍澤在西三字涉上文而衍司馬彪續漢書郡國志益州郡滇池出鉄有池澤北有黑水祠劉昭注澤在縣西見前書可證

東陸大學叢書 滇釋

東陸大學叢書 滇釋

响町

漢書華陽國志响町作鈎町司馬郡國志作句町地道記曰有文象水即今之瀘江也顧亭林肇域志及滇志以句町爲臨安府無異詞鄭子尹先生集經集稿疑之謂漢志此縣下文象水東至增食入鬱增食今南甯府地臨安之水皆入南盤江無至南甯境內入左江者此說非也臨安瀘水即象水由阿迷入南盤南盤流至南甯入左江正與漢志合又先生以水經注之檢水逕同並縣南又東逕漏江縣伏流山下復出蝮口謂之漏江又經貴古縣北與盤江合所謂蝮口在今阿迷州境接先生所謂阿迷州有伏流之水甚是但據此而以臨安爲同並縣非响町縣亦非也地理之學本不易言况以古地名附合今地尤易乖舛乎

黑水祠

後漢書郡國志益州郡滇池出鐵北有黑水祠劉昭注引華陽國志水是溫泉又有白蝮山惟有蝮據此則黑水祠之水當是溫泉今俗言黑龍潭水溫是也白蝮無考疑爲

俗傳長蟲山

黑水

水經缺黑水篇書正義引水經云黑水出張掖雞山南流至敦煌過三危山南流入于南海按黑水立趾三危安在屈原已不知黑水漢書有黑水祠蓋望祀也山海經灌湘之山又東五百里曰雞山黑水出焉郭氏無注楊守敬禹貢本義云此文在南山經當屬梁州或以雲南雞足山當之亦未確夫談滇掌故當据正史斷自莊躡庶乎徵信鑿空之言不辯可也

盛擊

御覽引西京雜記相如友人盛擊字長通牂柯名士常問以作賦相如曰合綦組以成文列錦繡而為質一經一緯一宮一商此作賦之迹也賦家之心苞括宇宙總覽人物斯乃得之于內不可得而傳也五百八十七北堂書鈔補引此文云出十六國春秋一百二按今滇人傳長通多失其真相如友人而曰弟子牂柯名士而曰樸檢人且曰擊退而作賦

東陸大學叢書 滇釋

東陸大學叢書 滇釋

心四卷王疇五先生又以為十卷

見微刻滇詩啟

皆緣地志增飾之故長通卓卓可傳增飾奚為

滇字之異解

滇字惟滇地用之他處罕見漢歌泛泛滇滇從高游永平中馬武徙滇吾餘種七千餘口于三輔延熹中段熹為并州刺史有滇那諸種羌入寇旋詣顯降後二條乃種族之名前則讀若振旅闐闐之闐今皆不用

羽獵賦

揚子雲作羽獵賦有云穿昆明池象滇河臣瓚曰西南夷有昆明國又有滇池故作昆明池以象以習水戰按滇池非昆明池全謝山結綺亭集詳辨之然其誤已久臣瓚此注已覺含混謝山未糾之百密一疏

孟孝琚

孝琚昭通人光緒中孝琚碑出土于昭通白泥井隸法西漢余釋文云丙申月建臨卯嚴道君曾孫武陽令之少息孟廣宗卒一行遂廣四歲失母十二隨官受韓詩兼通孝經

二卷博覽二行攷名爲璇字孝琚閔其敦仁爲問蜀郡何彥珍女未娶三行十月癸卯於瑩

西起墳十一月乙卯平下懷抱之恩心四行其辭曰五行結四時不和害氣蕃溢嗟命何辜獨

遭斯疾中夜奄喪六行慙忽然遠遊將及幽都歸于電丘涼風滲淋寒冰北流七行期痛哉

仁人積德若茲孔子大聖抱道不施尙困于世八行淵亦遇此蓄守善不報自古有之非

獨孝琚遭逢百離九行覆恨不伸志翻揚隆治身滅名存美稱修飭勉崇素意十行時流惠

後昆四時祭祀烟火連延萬歲不絕勛于後人十一行失雛顏路哭回孔尼魚澹臺忍怒

投流河世所不閱如十二行武陽主簿李橋字文平書佐黃羊字仲興十四行記李昂字輔

謀鈴下任繇十五行余以丙申爲西漢成帝河平四年碑立于十一月十五日別爲跋以

詳之定爲海內第一石不止滇中第一也惜乎缺其上截每行少七字滇中詞章興于

盛覽而經學則始孝琚其次即夔龍顏之綢繆七經蒙法春秋大義新唐書蒙世隆子名法乾

符中辛謙遺幕府徐雲慶 備使者往覘到善開府見騎數十曳長矛擁絳服少年朱繪約髮典客伽陀

餘人大夔碑陰孟姓六人豈孝琚之族耶南中志孟爲南中大姓著名者十

東陸大學叢書 滇繹

九

東陸大學叢書 滇繹

十

後漢書

范以滇池周回二百餘里水源深廣而末更淺狹有似倒流故謂之滇池水經注同蓋取之
華陽國志范又以莊豪開滇亦不如史記莊躄之說爲確李善注文選邱希範書以莊
躄爲莊縞尤誤

大姓

公孫述時牂牁大姓龍傅尹董董當即秀才董敏九真太守董元及董霸之族尹當即
叔重弟子尹珍及南州人士尹貢之族武侯時南中大姓有焦雍婁夔量孟毛李李恢
李松夔習雍闓毛晃毛孟孟獲等皆其族也

太康三年李毅爲南夷校尉鎮南中統五十八部夷族朱提大姓李猛牂柯大姓王氏
建寧郡有五部都尉四姓及霍家部曲朱提郡大姓朱魯雷興仇遞高李亦有部曲其
民好學濱犍爲號多士人爲甯州冠冕永昌大姓陳趙謝楊氏同樂縣大姓夔氏均見

南中志志又云諸姓得世有部曲蓋沿武侯之制

東觀漢記

記曰以益州徼外哀牢王率衆慕化地曠遠置永昌郡案記與范書西南夷傳合蓋范書所本也記今佚此文見文選卷一注引

銅鼓

近年滇中銅鼓出土最多余所見者數鼓或曰得之昭通或曰得之馬邊或曰得之普洱近又見滇督得之黔省播州者大抵形質相似考之世本巫咸作銅鼓巫咸者豈即尙書之又王家者耶粵蜀交州之間銅鼓尤著不止滇與黔也特巫咸所作不可見粵蜀交州出土者亦不得見今但就滇黔數鼓觀之高尺許經圍六七尺不等重十斤以上聲極精壯苔綠斑翠花紋巧妙鼓臍隆起如球有四耳如崧陸次雲峒溪懺志銅鼓多伏波及武侯所製考游梁雜記諸葛鼓乃銅鑄者形如今楂斗之倒置面有四水獸四周有細花紋置水上擊之聲更巨邊防記馬湖之夷歲暮百十爲羣擊銅鼓漢西南夷叛服不常諸葛武侯征之置銅鼓埋鎮諸山戎州志銅鼓似覆盆相傳孔明鑄直數

東陸大學叢書 滇繹

十一

東陸大學叢書 滇繹

十二

十鑑次者數鑑蠻司志萬歷元年川撫曾省吾平九絲城都蠻獲銅鼓九十三面擇有聲者六十四以獻疏略云都蠻稱鼓有聲者爲上易牛千頭次者七八百頭藏至二三面者即得雄視一方每出劫擊鼓高山諸蠻頃刻雲集臣等細觀奇文相錯可辨者雕螭刻鷲間綴蝦蟆其數四父老云諸葛製以鎮蠻鼓去則蠻運終理或然也益部談資諸葛鼓乃銅鑄重二十餘斤廣一尺七寸高一尺八寸乃孔明擒孟獲時所製昔伐九絲城得餘面今在成都府庫中一名鐔于鼓馮大木廷樞趙秋谷執信之詩朱竹垞彝尊之跋張介侯澍之武侯集皆主諸葛鑄鼓之說顧以一地之鼓多至百十推之各地當有千萬武侯造如許鼓果足信否或曰此伏波銅鼓也范成大桂海虞衡志朱輔溪蠻叢笑皆有此說考後漢書馬援傳援于交阯得駱越銅鼓鑄爲馬水經注引林邑記亦同伏波毀鼓非鑄鼓者然正可見古銅鼓之多不知伏波毀幾許始足鑄馬耳秦漢之間滇粵蜀黔旁及交州風氣大同駱越之製先見正史各地風行必不可以數計虞喜志林建武二十四年南郡男子獻銅鼓背有銘章懷太子後漢書注引裴淵廣州記

土人鑄鼓懸庭招客客來賀豪富以金釵叩之留贈主人桂海虞衡志又云銅鼓古蠻人所用南邊土中時有掘得者交州志獠子好飲擊銅鼓鼓初成置庭中招同類來者盈門女子以金銀釵擊之即贈主人蓋邊風如此且其用如刀斗晝烹飪夜擊鳴用者廣斯鑄者衆故西南諸省出土之銅鼓往往不絕不惟在諸葛先且在伏波先蓋皆二千餘年物矣

童仲華振藻据謝靈運

銅鼓考作校補最精

揮

後漢書揮國西南通大秦蓋漢時極西之國與中國通皆道天竺而揮而滇也非徒漢也唐亦有然孫光憲北夢瑣言唐咸通中召天竺三藏僧遇成都以北天竺與雲南接壤欲假途而還爲蜀察事者繫之具得所記朝廷次第文字是知外國來廷者安知非奸細乎

白狼王唐鼓

唐叢遠夷慕德歌曰僕議皮尼且交陵悟繩動隨旅路且棟雜譯言蠻夷所處日入之

東陸大學叢書 滇釋

十三

東陸大學叢書 滇釋

十四

部慕義向化歸日出主今獠人言云彼之天子自古傳爲在日出一方即東方也雖西人誘之不動獠離麗江不遠故鼓歌實用此義傳至於今

魏書波斯傳波斯國王居和多上孝明帝書大國天子天之所生願

日出處常爲漢中

天子亦蔽之意

土語

滇土語見于史傳惟後漢書白狼王三歌余常問之土人其語法皆先名詞而後動詞與東西各國一律

曹鸞

袁宏後漢紀熹平五年永昌太守曹鸞上書訟黨人檻車徵棄市年九十其書曰夫黨人者或者年淵德或衣冠英賢皆宜股肱王室左右大獻者也而久被禁錮辱在泥塗謀反大逆尙蒙赦宥黨人何罪獨不開恕乎所以災異屢見水旱薦臻皆由於斯宜加沛然以副天心按雲南在漢官多本籍李恢呂祥皆然鸞疑亦永昌人也雍閩降吳吳遙署爲永昌太守同此

東都賦

孟堅賦曰自孝武之所不征孝宣之所不臣莫不陸警水慄奔走而來賓遂綏哀牢開永昌春王三朝會同漢京案東漢之初不重邊功故賦中鋪張只滇邊之二事

勞浸靡莫

史記靡莫之屬以什數滇最大元封二年擊滅勞浸漢書作深靡莫按此皆屬滇之小夷張守節正義以為在姚州北阮志以為在昭通一帶殆莊躺率之來滇同為秦阻而不能歸者故漢書云勞深靡莫皆同姓

楊終

終蜀人著哀牢夷傳一卷今佚滇事專書之始荔扉稱之而後漢書本傳不載自後載漢至今千餘年滇事專書當推滇繫姚姬傳以荔扉比叔皮尤已樂山雲南備徵志以漢學家法著書最精近則早賈秦璞安光玉續備徵志昆明何小泉秉智著滇事始遺吾姪不鈞著雲南文化論晉甯李永清郭錫光東川夏光南皆有專書特詳之以美嚶求之義

南中當饒

東陸大學叢書 滇繹

東陸大學叢書 滇繹

南中志云益州西部金銀寶貨之地居其官者皆富及十世後漢書同又云晉甯郡鹽池田漁之饒金銀畜產之富裕奢豪蜀志諸葛亮傳三年春亮率衆南征其秋悉平軍資所出國以富饒李恢傳南中賦出叟濮耕牛戰馬金銀犀革充繼軍資于是費用不乏譙周傳亮南征兵勢逼之窮乃幸從是後供出官賦取以給兵滇之關係於蜀漢非淺鮮矣

後漢書帝紀

光武紀建武十九年西南夷寇益州郡原注在今昆州晉甯縣遣武威將軍劉尚討之越雋太守任

書謀叛十二月劉尚襲貴誅之二十一年春正月武威將軍劉尚破益州夷平之二十七年益州郡徼外蠻夷率種人內屬

明帝永平十二年春正月益州徼外夷哀牢王相率內屬于是置永昌郡罷益州西部

都尉

原注西南夷傳曰罷益州西部所領六縣合為永昌郡置哀牢博南二縣去洛陽七千里在今匡州匡川縣西

章帝建初元年九月永昌哀牢夷叛

按司馬彪天文志蠻夷陳縱等及哀牢王類反攻在唐城永昌太守王尋走奔建輪較本紀為詳

和帝永元九年正月永昌徼外蠻夷及揮國重譯來貢

原注揮音擅東觀記作擅俗本以禪字相類或作禪者誤

十二年春

正月旄牛徼外白狼獠薄夷率種人內屬

安帝紀永初元年三月永昌徼外儵僥種夷貢獻內屬四年九月甲申益州郡地震六

年詔越雋置長利高望始昌三苑詔益州郡置萬歲苑元初四年越雋夷寇遂久殺縣

令五年春正月越雋夷叛秋七月越雋蠻夷及旄毛豪叛長吏六年永昌益州蜀郡夷

叛與越雋夷殺長吏燔城邑益州刺史張喬討破降之永寧元年十二月永昌徼外揮

國遣使貢獻延光二年春正月旄牛夷叛寇靈關殺縣令益州刺史蜀郡西部都尉討

之四年多十月丙午越雋山崩

順帝紀永建六年揮國遣使貢獻

原注東觀漢記揮國王雍中賜金紫印綬揮音擅按揮音擅三字光武安順三紀注中皆複見此章懷之失也

陽嘉三年三月

庚戌益州盜賊劫質令長殺列侯

東陸大學叢書 滇繹

十七

東陸大學叢書 滇繹

十八

桓帝紀建和二年三月白馬羌寇廣漢屬國殺長吏益州刺史率板楯蠻討破之

靈帝紀熹平五年夏四月益州郡夷叛太守李暉討平之光和二年冬巴郡板楯蠻叛

遣御史中丞蕭瑗督益州刺史討之不尅中平五年六月益州黃巾馬相攻殺刺史郗

儉自稱天子又寇巴郡殺郡守趙郡益州從事賈龍擊相斬之

獻帝紀建安十八年春正月復禹貢九州

原注九數雖同而禹貢無益州有梁州然益亦一地也

十九年夏劉備據益州

後漢百官志武帝初置刺史十三人成帝更為牧光武時復為刺史十二人按漢武帝

以滇國置益州郡明見史漢蜀名益州則自平帝始東漢而益州有二一大一小司馬

彪郡國志五益州下又有益州郡是也安帝紀益州蜀郡並舉此益州乃郡名劉璋傳

璋卒南中豪率雍闓據益州反附于吳皆益州郡也權復以璋子闓為益州刺史處交

益界首丞相諸葛亮平南十闓還吳此益州乃州名後主傳建興元年夏梓柯太守朱

褒擁郡反

注引魏氏春秋褒應雍闓

先是益州郡有大姓雍闓反流太守張裔于吳據郡不賓越雋夷

王高定亦背叛建興三年亮南征四郡四郡皆平立建甯雲南興古三郡蓋因益州之

名已混于蜀故亮改之凡漢後所言益州之事宜分別觀之始不混滇事于蜀事故抄集而論之如此

倪煥漢書歷年傳誤引延熹八年益州刺史侯參有罪自殺熹平五年益州刺史劉焉徙治成都皆混蜀事于滇也

海西人

歐通中國自後漢書哀牢夷傳之海西人始海西即大秦也揮國西南通大秦蓋歐人自緬而入哀牢也傳載其善跳吐火諸術殆類今之馬戲

魏完南中志

世傳左思蜀都賦而不傳楊雄蜀都賦傳常璩南中志而不傳魏完南中志殆後來居上歟抑前為後掩也揚賦採于劉淵林注太冲賦多本之魏志則淵林僅採一條云貊獸毛黑白臆似熊而小以舌舐鉄須臾便數十斤出建寧郡也有神鹿兩頭主食毒草名之食毒鹿出雲南郡淵林云此二事南中志所記淵林西晉人與太冲同時魏書更在其前矣惜不傳完或作宏

漢晉時雲南遙領交州

東陸大學叢書 滇譯

東陸大學叢書 滇譯

章武元年以李恢為庾降都督使持節領交州刺史住平夷縣交州禹貢揚州之域

是為南越之士蜀以李恢為建甯太守遙領交州刺史晉平蜀以蜀建寧太守霍弋遙

領交州得以便宜選用長吏

晉書地理志下晉泰始元年龜谷為交趾太守至郡撫和谷卒馬融楊稷王翊數攻交州諸郡見南中志

庾降都督

蜀志李恢傳注臣松之訛之蜀人云庾降地名去蜀二千餘里時未有甯州號為南中立此職以總攝之晉泰始中始分為甯州

犍為銅幣

光緒中昭通掘地得古銅幣十數枚文曰直百幕曰為陳古抑同年以一見贈考之幣二直百乃漢昭烈時鑄為即犍為之省文也因轉贈滇博物館備金石家參考

蜀都賦劉淵林注六條

邛竹出興古盤江以南竹中實而高節可以作杖

孔雀特出永昌南涪縣翡翠常以二月九月群翔興古十餘白雉出永昌猩猩生交趾

永昌博南縣出虎珀梓柯有白曹山出丹青曾青空青也本草經云皆出越雋郡

永昌有水出金如糠在沙中興古盤町山出銀

蒟蒻醬也緣樹而生其子如桑椹熟時正青長二三寸以密藏而食之辛香溫調五臟
蒟草也其根名蒟頭大者如斗其肌正白可以灰汁煮則凝成可以苦酒淹食之蜀人
珍焉

檀華者樹名檀其花柔毳可績布也出永昌桄榔樹名也木中有屑如麩可食出興古
羶氓謂羶人也言鳥鸚鵡之屬皆出南中

劉熙釋名

釋州國篇益州益阨也所在之地險阨也按春秋元命包參伐流爲益州

常璩南中志

東陸大學叢書 滇譯

二十一

東陸大學叢書 滇譯

二十一

南中志乃華陽國志之一篇常璩殆依據魏完而成者洵瓊寶也升庵成慎抽出別行
故滇有南中志單行本乾隆中四庫提要痛詆之謂徧考古書無所謂南中志者楊慎
好僞必僞作也因列之存目吁何粗也提要載記類中收華陽國志又亟稱之蓋修書
諸臣各不相謀耳

華陽國志凡十三卷其第四卷之南中志純爲滇事見探于滇繫備徵志允矣惟各志
率及于滇者往往而有第十三卷序志並益梁寧三州先漢以來士女名目錄尤不可
忽採錄如左

盡爾南域在彼要荒漢武德振蠻貊是攘開州列郡幽裔王柔遠能通實須才良願德
失以明紀綱述南中志第四

文學制州刺史尹珍字道珍母歛人也

巴郡太守傅寶字紀圖下夷人也

忠義冠軍將軍寧州刺史謝恕字茂德母歛人也